



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726 444
fax. +387 33 726 423
e – mail: info@voda.ba

Broj: **UP-1/21-3-40-621-6/24**

Datum: **04.03.2025. godine**

«Agencija za vodno područje rijeke Save» Sarajevo rješavajući po zahtjevu pravnog lica «FAH-KOŽAR» d.o.o. Visoko za donošenje rješenja o vodnoj dozvoli za ispuštanje tehnoloških otpadnih voda u prirodni recipijent sa lokaliteta proizvodno poslovnog kompleksa objekata za skladištenje i preradu kože u naselju Seoča, grad Visoko, na osnovu člana 109. stav (1) tačka 2. Zakona o vodama («Službene novine Federacije BiH», broj 70/06) i člana 200. stav (1) Zakona o upravnom postupku («Službene novine Federacije BiH», broj 2/98, 48/99 i 61/22), donosi

R J E Š E N J E
o vodnoj dozvoli

1. Daje se vodna dozvola pravnom licu, «FAH-KOŽAR» d.o.o. Visoko za ispuštanje tehnoloških otpadnih voda u prirodni recipijent sa lokaliteta proizvodno poslovnog kompleksa objekata za skladištenje i preradu kože izgrađenog u naselju Seoča na zemljištu označenom kao k.č. broj: 74/1 i 74/4 K.O. Seoča, grad Visoko.
2. Ova vodna dozvola se ne odnosi na proizvodno-skladišni objekat izgrađen u sklopu kompleksa na zemljišnim česticama označenim kao k.č. broj: 76/1, 77/4 i 77/5 K.O. Seoča, grad Visoko koje se djelimično nalaze u vodnom dobru i unutar linije dopiranja velikih voda rijeke Bosne ranga pojave 1/100.
3. Vodna dozvola se daje na osnovu dostavljene dokumentacije, utvrđenog činjeničnog stanja, dostavljenog detaljnog dinamičkog plana i uz sljedeće uslove:
 - 3.1. Da se upotreba i korištenje predmetnog kompleksa objekata vrši u skladu sa njegovom prirodom i namjenom te u skladu sa dostavljenom dokumentacijom i uslovima iz ove vodne dozvole.
 - 3.2. Da se, u skladu sa dostavljenim dinamičkim planom, ovjerenim i potpisanim od strane odgovornog lica podnosioca zahtjeva, a koji je sastavni dio ovog Rješenja, do 30.06.2026. godine završe radovi na prikupljanju i tretmanu tehnoloških otpadnih voda odnosno radovi na izgradnji postrojenja za tretman tehnoloških otpadnih voda te ispuštanju prečišćenih voda u rijeku Bosnu sa lokaliteta kompleksa objekata za skladištenje i preradu kože izgrađenog u naselju Seoča, grad Visoko kako slijedi:

R. broj	Naziv aktivnosti	Finansijska procjena za realizaciju aktivnosti	Rok za realizaciju aktivnosti
1	Raščišćavanje zone izvođenja radova	2.000,00 KM	15.03.2025.
2	Procedura odabira izvođača građevinskih radova	0,00 KM	15.04.2025.
3	Ugovaranje radova	5.000,00 KM	20.04.2025.
4	Procedura upoznavanja izvođača radova sa stanjem kvaliteta izvedenih betonskih radova sa eventualnim prijedlogom sanacija	3.000,00 KM	20.05.2025.
5	Sanacija oštećenja na betonskim konstruktivnim elementima i stvaranje uslova za nastavak radova	5.000,00KM	04.06.2025.
6	Građevinski radovi na objektima sistema za tretman voda što uključuje zidarske i krovopokrivačke radove	14.800,00KM	04.07.2025.
7	Zanatski radovi na objektima za tretman otpadnih voda što uključuje limarske, bravarske, izolaterske i fasaderske radove	53.340,00	30.06.2025.

8	Procedura odabira dobavljača opreme i nabavka opreme	0,00 KM	28.10.2025.
9	Montaža opreme za mehanički tretman otpadnih voda (potopljene pumpe, zatvarači, kompresor za zrak, razvod zraka sa difuzorima, oprema za pripremu i razvod hemikalija i sl)	88.400,00 KM	30.12.2025.
10	Izgradnja i ispitivanje elektroinstalacija	12.000,00 KM	31.01.2026.
11	Ugradnja opreme za mehanički tretman otpadnih voda što uključuje koso pužno sito, flotator, dehidrator mulja, mješalice u bazenima za tretman, dozatori za pripremu hemikalija i sl.	292.500,00 KM	02.02.2026.
12	Puštanje u probni rad I faze postrojenja i optimizacija rada uređaja	18.000,00 KM	03.03.2026.
13	Analiza efekata tretmana I faze postrojenja za tretman tehnoloških otpadnih voda	1.500,00 KM	15.03.2026.
14	Odabir optimalnog tehnološkog rješenja za II fazu rada prema varijantama iz projekta	3.500,00 KM	30.04.2026.
15	Nabavka i kompletiranje opreme i uređaja za II fazu postrojenja	120.000,00 KM	30.05.2026.
16	Puštanje u probni rad kompletnog sistema i obuka osoblja za vođenje i praćenje rada postrojenja	20.000,00 KM	25.06.2026.
17	Probni monitoring		30.06.2026.

- 3.3. Da vlasnik predmetnog kompleksa objekata, za vrijeme trajanja ove dozvole, a nakon završetka radova definisanih projektnom dokumentacijom, obezbjeđuje da se tehnološke otpadne vode u postupku skladištenja, pranja i prerade kože nesmetano sakupljaju i odvođe do postrojenja za tretman otpadnih voda, a zatim ovako tretirane vode ispuštaju u rijeku Bosnu.
- 3.4. Objekte kako postojeće, tako i one koji će se, nakon realizacije predviđenih radova, koristiti u svrhu prikupljanja, odvodnje i tretmana tehnoloških i ostalih otpadnih voda nastalih u krugu kompleksa (postrojenje za tretman tehnoloških otpadnih voda, kanalizaciona mreža, kanali za prihvatanje otpadnih voda, slivničke rešetke, taložnik, septička/sabirna jama...) potrebno je održavati i koristiti na takav način koji će obezbijediti njihovu potpunu ispravnost i funkcionalnost. O načinu i vremenu održavanja radova neophodno je voditi službeni evidenciju i arhivu.
- 3.5. Da se usvojenim tehničkim i tehnološkim rješenjem iz projektne dokumentacije i realizovanim radovima poduzmu sve potrebne mjere kojima bi se obezbijedilo da prečišćene otpadne vode, prije ispuštanja u recipijent namjestu ispusta, ostanu u maksimalno dopuštenim granicama definisanim u Prilogu 14. Uredbe o uslovima ispuštanja otpadnih voda u okoliš i sisteme javne kanalizacije («Službene novine Federacije BiH», broj 26/20 i 96/20 i 01/24).
- 3.6. U skladu sa članom 26.a Uredbe o izmjenama i dopunama uredbe o uslovima ispuštanja otpadnih voda u okoliš i sisteme javne kanalizacije nosilac prava iz ove vodne dozvole dužan je izvještavati nadležnu Agenciju i Federalno ministarstvo okoliša i turizma o realizaciji planiranih aktivnosti u zadatim rokovima iz detaljnog dinamičkog plana, najkasnije do 30.06.2025. godine na obrascu iz Priloga B navedene Uredbe.
- 3.7. Nakon izgradnje postrojenja za tretman tehnoloških otpadnih voda i ostalih radova obuhvaćenih projektnom dokumentacijom i dinamičkim planom, Investitor je u obavezi da uradi Projekat izvedenog stanja kompletnog sistema za prikupljanje i tretman tehnoloških otpadnih voda i isti priloži prilikom podnošenja zahtjeva za izdavanje nove vodne dozvole.
- 3.8. Nakon realizacije projektom predviđenih radova na sistemu prikupljanja i tretmana tehnoloških otpadnih voda, u prisustvu nadzora radova izvršiti potpuno blindiranje (zatvaranje) postojećih ispusta tehnoloških otpadnih voda u prirodni recipijent – rijeka Bosna.
- 3.9. U toku izvođenja radova na predmetnom lokalitetu neophodno je osigurati stručni nadzor nad izvođenjem istih te poduzeti sve potrebne mjere zaštite da predmetnim aktivnostima ne dođe do nastanka štete ili nepovoljnih posljedica po vode i vodni režim kao i postojeće korisnike voda.

- 3.10. Čišćenje i održavanje postrojenja za tretman tehnoloških otpadnih voda, nakon realizacije svih projektom predviđenih radova i puštanja u funkciju istog, te skladištenje i zbrinjavanje sadržaja (taloga) iz postrojenja i ostalog opasnog otpada može vršiti isključivo firma ovlaštena za tu vrstu djelatnosti, prema posebnom ugovoru. O načinu i vremenu pražnjenja, odvoza i zbrinjavanja sadržaja iz postrojenja za tretman otpadnih voda kao i preuzimanje drugog opasnog otpada neophodno je voditi službenu evidenciju i arhivu.
- 3.11. Građevinski materijal i ostali otpad nastao tokom izvođenja radova na izgradnji postrojenja za tretman otpadnih voda, otpad nastao u postupku prerade kože, istaložena so, talog iz taložnika i septičke/sabirne jame, ostali opasni i neopasni otpad, se ne smiju ni privremeno odlagati na česticu «vodno dobro», odnosno u rijeku Bosnu i na njene obale.
- 3.12. Nakon izgradnje i stavljanja u funkciju postrojenja za tretman tehnoloških otpadnih voda, redovno pratiti parametre potrebne za vođenje tehnološkog procesa prečišćavanja otpadnih voda te redovno vrši održavanje i servisiranje elektro-mašinske i ostale opreme i o tome voditi posebnu evidenciju.
- 3.13. Na odvodnom cjevovodu, neposredno iza postrojenja za tretman otpadnih voda izgraditi posebno kontrolno okno koje će služiti kao okno za uzimanje uzoraka prečišćene, ispuštene vode prije konačnog ispusta u recipijent – rijeka Bosna.
- 3.14. Redovno vršiti skupljanje otpada nastalog u postupku prerade kože kao i čvrstog opasnog i neopasnog otpada sa kompletnog kruga pogona, isti propisno skladišti do njegovog konačnog zbrinjavanja od strane ovlaštene organizacije.
- 3.15. Da se, u skladu sa propisima iz oblasti zaštite okoliša, vrši sigurno skladištenje i postupanje sa hemikalijama koji se koriste u procesu obrade kože (adekvatnim mjerama onemogućiti bilo kakvo isticanje i rasipanje opasnih i štetnih materija na tlo i u vode).
- 3.16. Do izgradnje postrojenja za tretman tehnoloških otpadnih voda, redovno vršiti čišćenje i pražnjenje taložnika i septičke/sabirne jame u dijelu kompleksa gdje se vrši prerada kože (stari proizvodni objekat). Vlasnik je obavezan da redovno vodi dnevnik o pražnjenju i odvozu sadržaja taložnika i septičke jame, izdvojenom talogu iz istih. Čišćenje i pražnjenje može vršiti isključivo firma ovlaštena za tu vrstu djelatnosti, prema posebnom ugovoru.
- 3.17. Praktikovati suho čišćenje podova objekata prije pranja vodom kako bi se što više uklonile nečistoće sa radnih površina, trošilo manje vode za pranje te smanjilo zagađenje voda.
- 3.18. Vlasnik odnosno korisnik kompleksa je dužan, putem laboratorije ovlaštene od strane Federalnog ministarstva poljoprivrede, vodoprivrede i šumarstva, vršiti redovna ispitivanja kvaliteta otpadnih voda, uzimanjem uzorka efluenta iz okna za monitoring na mjestu ispusta u skladu sa Uredbom o uslovima ispuštanja otpadnih voda u okoliš i sisteme javne kanalizacije. Učestalost i način ispitivanja vršiti u skladu sa članom 20. Uredbe o uslovima ispuštanja otpadnih voda u okoliš i sisteme javne kanalizacije («Službene novine Federacije BiH», broj 26/20, 96/20 i 01/24). Rezultate analiza dostaviti ovoj Agenciji. Izvještaje o ispitivanju i ocjeni kvaliteta otpadnih voda može uraditi isključivo laboratorija ovlaštena od strane Federalnog ministarstva poljoprivrede, vodoprivrede i šumarstva po osnovu člana 64. stav (3) Zakona o vodama i Pravilnika o uslovima koje moraju ispunjavati referentne odnosno ovlaštene laboratorije za ispitivanje voda, sadržaj i način davanja ovlasti («Službene novine Federacije BiH», broj 14/10, 14/3, 26/14, 15/17, 23/17 i 41/20).
- 3.19. Investitor je obavezan pridržavati se svih mjera i uslova propisanih u saglasnostima i dozvolama izdatim od strane drugih nadležnih organa, a odnose se na korištenje i zaštitu voda i nisu u suprotnosti sa uslovima iz ove vodne dozvole.
4. Vlasnik, odnosno korisnik kompleksa je obavezan voditi propisne evidencije, te nadležnim organima dostavljati propisane obrasce (Obrazac EBS) u skladu sa Zakonom o vodama i Pravilnikom o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte vodne naknade i posebnih vodnih naknada («Službene novine Federacije BiH», broj 92/07, 46/09, 79/11, 88/12 i 03/16), Prilog 1. Poglavlje V – Određivanje koeficijenta zagađenja za zagađivače voda kod kojih se ne vrše direktna mjerenja voda, te prema dostavljenim obrascima izvršavati u cjelosti i u propisanim rokovima obavezu plaćanja vodnih naknada.
5. U periodu važenja ove dozvole, vlasnik odnosno korisnik kompleksa je dužan provoditi sve mjere i aktivnosti propisane istom.
6. U slučaju vanrednih situacija, havarijskih onečišćenja i drugih sličnih okolnosti, čime bi bio ugrožen kvalitet podzemnih i površinskih voda, vlasnik odnosno korisnik predmetnog kompleksa objekata obavezan je izvijestiti nadležne organe i izvršiti vanredna postupanja po nalogu nadležnih organa, te o vlastitom trošku uzroke štete otkloniti, a nastale štete nadoknaditi.

7. Ukoliko usljed štetnog djelovanja voda nastalog zbog neizgrađenosti ili nedovoljne osposobljenosti (zaštitnih) vodnih objekata dođe do nastanka štete na predmetnom kompleksu objekata i radnom prostoru obuhvaćenim ovom vodnom dozvolom, korisnik zaštitnih vodnih objekata nije odgovoran za nastale štete.
8. Ukoliko radom predmetnog poslovnog kompleksa dođe do šteta ma kakvog karaktera, korisnik vodne dozvole je dužan uzroke nastalih šteta otkloniti, a nastale štete trećim licima nadoknaditi.
9. Prava stečena po ovoj dozvoli ne mogu se prenositi na treća lica, a ista prestaju u skladu sa odredbama Zakona o vodama.
10. U ovoj upravnoj stvari plaćene su sve upravne takse.
11. Ova vodna dozvola, shodno članu 26. stav 1. Uredbe o izmjenama i dopunama uredbe o uslovima ispuštanja otpadnih voda u okoliš i sisteme javne kanalizacije kanalizacije («Službene novine Federacije BiH», broj 1/24) se daje sa rokom važenja 30.06.2026. godine, uz uslov da se aktivnosti obuhvaćene tačkom 3. dispozitiva rješenja u cjelosti poštuju.
12. Prije isteka važnosti ove dozvole korisnik je dužan da podnese zahtjev za izdavanje nove vodne dozvole.
13. Ovo rješenje o vodnoj dozvoli može se izmjeniti ukoliko za to nastupe razlozi utvrđeni u članu 130. stav (1) tačka 1., 2., 3. ili 4. Zakona o vodama, a zainteresirane stranke podnesu argumentiran zahtjev za izmjenu ovog vodnog akta.

O b r a z l o ž e n j e

Od strane pravnog lica «FAH-KOŽAR» d.o.o. Visoko, u Agenciju je dana 04.12.2024. godine podnesen ovoj Agenciji zahtjev za izdavanje vodne dozvole za ispuštanje tehnoloških otpadnih voda u prirodni recipijent sa lokaliteta proizvodno poslovnog kompleksa objekata za skladištenje i preradu kože izgrađenog u naselju Seoča na zemljištu označenom kao k.č. broj: 74/1 i 74/4 K.O. Seoča, grad Visoko.

U provedenom postupku dostavljena je i pregledana sljedeća dokumentacija:

- Ovjereni kopija Aktuelnog izvoda iz sudskog registra broj: 043-0-RegZ-24-001083 izdatog dana 05.04.2024. godine od strane Općinskog suda u Zenici,
- Ovjereni kopija Uvjerjenja o registraciji poreznog obveznika izdatog dana 21.05.2018. godine od strane Porezne uprave Federacije BiH-Kantonalni porezni ured Zenica,
- Ovjereni kopija Uvjerjenja o registraciji/upisu u Jedinstveni registar obveznika indirektnih poreza broj: 04/1-17-1-UPJR/1-6172-2/18 izdatog dana 02.11.2018. godine od strane Uprave za indirektno-neizravno oporezivanje Banja Luka,
- Kopija Rješenja o okolinskoj dozvoli broj: 12-23-5460/14 izdatog dana 25.03.2022. godine od strane Ministarstva za prostorno uređenje, promet i komunikacije i zaštitu okoline Zeničko-dobojskog kantona,
- Kopija Rješenja o urbanističkoj saglasnosti broj: 12-23-05782/14 od 12.01.2015. godine i Rješenja o odobrenju građenja broj: 12-23-09673/15 od 11.12.2015. godine izdatih za poslovni objekat na parceli kao k.č. broj: 74/1 i 74/4 K.O. Seoča od strane Ministarstva za prostorno uređenje, promet i komunikacije i zaštitu okoline Zeničko-dobojskog kantona,
- Kopija Rješenja o upotrebi poslovno proizvodnog kompleksa za skladištenje i primarnu preradu kože – I faza broj: 12-23-00077/16 izdatog dana 20.01.2016. godine od strane Ministarstva za prostorno uređenje, promet i komunikacije i zaštitu okoline Zeničko-dobojskog kantona,
- Kopija Rješenja o odobrenju za građenje – II faza izgradnje objekta za tretman otpadnih tehnoloških voda broj: 12-23-9838/15 izdatog dana 02.02.2016. godine od strane Ministarstva za prostorno uređenje, promet i komunikacije i zaštitu okoline Zeničko-dobojskog kantona,
- Kopija Rješenja o vodnoj dozvoli broj: UP-I/25-3-40-020-8/19 izdatog dana 03.07.2019. godine od strane «Agencije za vodno područje rijeke Save» Sarajevo,
- Kopija Rješenja o vodnoj dozvoli broj: 05-21-07331-3/22 za ispuštanje sanitarno-fekalnih voda izdatog dana 17.10.2022. godine od strane Ministarstva za poljoprivredu, šumarstvo i vodoprivredu Zeničko-dobojskog kantona,
- Glavni projekat – vanjske hidroinstalacije, snabdijevanje vodom, prikupljanje i tretman tehnoloških otpadnih voda, oborinskih voda sa krova objekta i fekalnih voda objekta za skladištenje i primarnu preradu kože u naselju Seoča, Visoko Investitora «FAH-KOŽAR» d.o.o. Visoko, urađen od strane «IBIS» d.o.o. Zavidovići broj: 27-IB-G/15, juni 2015. godine,
- Glavni projekat postrojenja za prečišćavanje tehnoloških otpadnih voda Tvornice za obradu kože «FAH-KOŽAR» d.o.o. Visoko urađen od strane «SENDU» d.o.o. Sarajevo, august 2015. godine,
- Kopija Ugovora o deponovanju animalnog otpada zaključenog dana 02.08.2017. godine između JP «VODOKOM» d.o.o. Kakanj i «FAH-KOŽAR» d.o.o. Visoko (prilog: faktura za odvoz i deponovanje animalnog otpada na gradsku deponiju od 16.10.2024. godine),

- Kopije Izvještaja o monitoringu kvaliteta i kvantiteta otpadnih voda «FAH-KOŽAR» d.o.o. Visoko urađeni od strane «Inspekt-RGH» d.o.o. Sarajevo za period od 07.02.2023. godine do 11.11.2024. godine,
- Kopija Izvještaja o monitoringu kvaliteta i kvantiteta otpadnih voda «FAH-KOŽAR» d.o.o. Visoko urađen od strane «Inspekt-RGH» d.o.o. Sarajevo (broj: 2483/24, decembar 2024. godine),
- Kopija ugovora broj: 532/24-DS o čišćenju i pražnjenju septičkih jama i odvozu otpadnog mulja i taloga zaključenog dana 15.04.2024. godine između «FAH-KOŽAR» d.o.o. Visoko i «DELTA PETROL» d.o.o. Kakanj,
- Ovjeren Dinamički plan sa aktivnostima, finansijskom procjenom i rokovima realizacije za 2025. i 2026. godinu za izgradnju i puštanje u rad sistema za prikupljanje, tretman i ispuštanje tehnoloških otpadnih voda poslovnog kompleksa «FAH-KOŽAR» d.o.o. Visoko,
- Kopija uplatnice upravne takse.

Nakon izvršenog uvida u dostavljeni zahtjev i priloženu dokumentaciju utvrđeno je da su uz zahtjev dostavljeni potrebni prilozi, te je ovaj organ u skladu sa odredbama Zakona o upravnom postupku pokrenuo postupak u cilju utvrđivanja relevantnih činjenica u ovoj upravnoj stvari.

U skladu sa članom 12. stav (5) i (6) Pravilnika o sadržaju, obliku i uslovima i načinu izdavanja i čuvanja vodnih akata («Službene novine Federacije BiH», broj 31/15, 55/19, 41/20 i 63/22), izvršen je obilazak predmetnog kompleksa objekata u naselju Seoča, grad Visoko te je sačinjen zapisnik o izvršenom uviđaju broj: UP-1/21-3-40-621-3/24 od 12.02.2025. godine.

Na osnovu dostavljene dokumentacije i izvršenog uviđaja na licu mjesta utvrđeno je sljedeće:

Predmetni proizvodno poslovni kompleks objekata za skladištenje i preradu kože izgrađen je na lijevoj obali rijeke Bosne u naselju Seoča, grad Visoko (uz regionalni put Kakanj-Visoko). Kompleks čini objekat (spratnosti Pod+P+1) za skladištenje i primarnu preradu kože izgrađen na parceli k.č. broj: 74/1 K.O. Seoča, stari objekat – proizvodna hala sa instaliranom opremom za obradu kože izgrađen na parceli k.č. broj: 74/4 K.O. Seoča za koji je 2007. godine izdata upotrebna dozvola od strane nadležnog ministarstva Ze-do kantona (broj: 12-23-6144/07). Kapacitet prerade je oko 1.000 komada jagnjeće kože/dnevno ili 5 tona krupne kože/dnevno.

U sklopu kompleksa izgrađen je novi, proizvodno-skladišni objekat u kome se vrši skladištenje odnosno kvašenje nasoljenih koža - isti nije predmetom izdavanja ove vodne dozvole. Izgrađen je na zemljišnim česticama označenim kao k.č. broj: 76/1, 77/4 i 77/5 K.O. Seoča, grad Visoko koje se djelimično nalaze u vodnom dobru i unutar linije dopiranja velikih voda rijeke Bosne ranga pojave 1/100. Za predmetni objekat je od strane nadležnog Ministarstva za prostorno uređenje, promet i komunikacije i zaštitu okoline Zeničko-dobojskog kantona izdato Rješenje o upotrebi broj: 12-23-6385/18 od 05.12.2018. godine bez prethodno ishodovanih vodnih akata.

Snabdijevanje vodom za sanitarne potrebe je obezbjeđeno priključkom na postojeći lokalni vodovodni sistem kojim upravlja MZ Dobrinje, grad Visoko dok je za tehnološke potrebe voda obezbjeđena sa vlastitog vodozahvata/bunara (kapacitet do 5 l/s).

Sanitarno-fekalne vode iz sanitarnih čvorova za uposlene prikupljaju se zasebnim kanalizacionim sistemom i upuštaju u vodonepropusnu septičku jamu sa prelivom u rijeku Bosnu za što je od strane nadležnog Ministarstva za poljoprivredu, šumarstvo i vodoprivredu Zeničko-dobojskog kantona dana 17.10.2022. godine izdato Rješenje o vodnoj dozvoli broj: 05-21-07331-3/22. Oborinske vode sa krova objekta i nadstrešnica se prikupljaju zasebnim kanalizacionim sistemom sa ispustom u obližnji potok Ibrik.

Iz predmetnog poslovnog kompleksa evidentirana su ukupno dva ispusta tehnoloških otpadnih voda u rijeku Bosnu. Tehnološke otpadne vode nastale u postupku prerade kože (pranje, štavljenje, bojenje...) u starom proizvodnom objektu se prikupljaju zasebnim kanalizacionim sistemom sa slivnim rešetkama i betonskim kanalima te odvođe preko taložnika u trokomornu septičku jamu sa prelivom u rijeku Bosnu. Tehnološke otpadne vode nastale u dijelu novijeg objekta gdje se vrši kvašenje nasoljenih koža kao i vode nastale pranjem kanala i prostora za deponovanje kože se putem slivničkih rešetki prikupljaju i direktno ispuštaju u rijeku Bosnu.

Projektom predviđeno postrojenje za tretman tehnoloških otpadnih voda nastalih u postupku skladištenja, pranja i prerade kože (projekat urađen od strane «SENDO» d.o.o. Sarajevo, august 2015. godine), za koji je od strane Agencije izdato Rješenje o vodnoj saglasnosti broj: UP-I/25-2-40-395-6/15 od 30.11.2015. godine nije u potpunosti izgrađeno - nije stavljeno u funkciju. Nakon ishodovanja Rješenja o odobrenju gradnje postrojenja izdatog od strane nadležnog Ministarstva Zeničko-dobojskog kantona, u toku 2016. godine izvedena je samo betonska konstrukcija postrojenja.

Projektnom dokumentacijom urađenom od strane «IBIS» d.o.o. Zavidovići (broj: 27-IB-G/15, juni 2015. godine) predviđen sistem prikupljanja i tretmana onečišćenih oborinskih voda sa radnog platoa i manipulativnih površina nije izveden jer je izvršena promjena namjene dograđene nadstrešnice sa radnim

platoom i manipulativnog prostora u poslovni prostor za skladištenje i preradu kože za što je ishodom rješenje o upotrebi građevine.

Skladištenje hemikalija koje se koriste u postupku obrade kože se vrši u posebnim prostorijama sa betoniranim podnim površinama.

Animalni otpad nastao u postupku prerade kože se prikuplja u posebnim, zatvorenim posudama do odvoza i zbrinjavanja od strane drugih lica prema ugovoru.

Monitoring otpadnih voda se vrši redovno na tri mjerna mjesta (E₁ i E₂ – ispušt tehnoloških otpadnih voda; E₃ – ispušt sanitarno-fekalnih voda).

Prema podacima iz Izvještaja o monitoringu rađenih u periodu od 07.02.2023. godine do 11.11.2024. godine utvrđeno je ispitivani parametri na mjernom mjestu E₁ i E₂ ne zadovoljavaju granične vrijednosti emisije utvrđene Uredbom o uslovima ispuštanja otpadnih voda u prirodne recipijente i sisteme javne kanalizacije (evidentna prekoračenja za HPK, BPK_s, ukupne suspendovane materije, taložive materije, hloridi (maj 2024. godine). Prema podacima iz zadnje urađenog Izvještaja broj: 2483/24, decembar 2024. godine utvrđeno je da ispitivani parametri na mjernom mjestu E₁ i E₂ zadovoljavaju granične vrijednosti emisije utvrđene Uredbom.

Za predmetni kompleks objekata je u ranijem postupku, dana 03.07.2019. godine, od strane ove Agencije doneseno Rješenje o vodnoj dozvoli broj: UP-1/21-3-40-020-8/192. Navedeno Rješenje o vodnoj dozvoli izdato je u skladu sa Uredbom o uslovima ispuštanja otpadnih voda u okoliš i sisteme javne kanalizacije («Službene novine Federacije BiH», broj 101/15, 1/16 i 101/18) uz uslov da se realizuju aktivnosti iz dinamičkog plana obuhvaćene tačkom 4.2 i 4.3. dispozitiva navedenog rješenja.

Prilikom uviđaja na terenu utvrđeno je da aktivnosti i rokovi navedeni u dinamičkom planu, a odnose na izvođenje radova po Glavnom projektu a koji su dati kroz uslove Rješenja, nisu ispunjeni.

Od podnosioca zahtjeva je u skladu sa članom 1. stav (1), (3) i (4) Uredbe o izmjenama i dopunama Uredbe o uslovima ispuštanja otpadnih voda u okoliš i sisteme javne kanalizacije («Službene novine Federacije BiH», broj: 26/20, 96/20 i 01/24) dopisom broj: UP-1/21-3-40-621-4/24 od 13.02.2025. godine zatraženo da dostavi detaljan dinamički plan koji treba da sadrži:

- Spisak aktivnosti i mjera sa finansijskom procjenom za ulaganje, zadanim rokovima realizacije svake pojedine aktivnosti i konačnim rokom za završetak aktivnosti na izgradnji i puštanju u rad sistema za prikupljanje, tretman i ispuštanje onečišćenih otpadnih voda na obrascu iz Priloga A ove Uredbe, razrađen po godinama i mjesecima sa konačnim rokom realizacije najkasnije do roka 30.06.2026. godine.

Dana 25.02.2025. godine dostavljen Dinamički plan na obrascu iz Priloga A Uredbe.

U dinamičkom planu su navedene aktivnosti i rokovi sa finansijskom procjenom za ulaganje na izgradnji i puštanju u rad sistema za prikupljanje, tretman i ispuštanje tehnoloških otpadnih voda sa lokaliteta proizvodno poslovnog kompleksa objekata za skladištenje i preradu kože smještenog u naselju Seoča, grad Visoko za period od marta 2025. do 30. juna 2026. godine. Aktivnosti i rokovi iz dinamičkog plana su propisani u dispozitivu ovog Rješenja.

Na osnovu uvida u dostavljeni dinamički plan utvrđeno je sljedeće:

- Krajnji rok za realizaciju radova predviđenih dostavljenom projektnom dokumentacijom (Glavni projekat postrojenja za prečišćavanje tehnoloških otpadnih voda Tvornice za obradu kože «FAH-KOŽAR» d.o.o. Visoko urađen od strane «SENDO» d.o.o. Sarajevo, august 2015. godine) je 30.06.2026. godine.
- Rokovi za realizaciju pojedinih aktivnosti iz dostavljenog dinamičkog plana koji je sastavni dio ovog rješenja su navedeni u tački 3.2. dispozitiva.

Na osnovu dostavljene dokumentacije, uviđaja izvršenog na predmetnoj lokaciji i dostavljenog dinamičkog plana, u svrhu smanjenja negativnih uticaja predmetnog kompleksa objekata i aktivnosti na stanje voda i vodni režim, podnosiocu zahtjeva su ovom vodnom dozvolom u tački 3. dispozitiva Rješenja propisani uslovi kojih se dužan pridržavati prilikom korištenja predmetnog kompleksa objekata za skladištenje i preradu kože u naselju Seoča u skladu sa odredbama člana 53. i 116. Zakona o vodama, člana 12. i 13. Pravilnika o sadržaju, obliku, uslovima, načinu izdavanja i čuvanja vodnih akata i odredbama člana 3. tačka cc) i člana 15. Uredbe o uslovima ispuštanja otpadnih voda u okoliš i sisteme javne kanalizacije.

Tačka 4. dispozitiva Rješenja je propisana u skladu sa tačkama 12. i 35. Pravilnika o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte i posebnih vodnih naknada («Službene novine Federacije BiH», broj 92/07, 46/09, 79/11 i 88/12) i Odlukom o visini posebnih vodnih naknada («Službene novine Federacije BiH», broj 46/07, 10/14 i 03/16).

U skladu sa članom 61. Zakona o vodama i odredbama Pravilnika o postupcima i mjerama u slučajevima akcidenta na vodama i obalnom vodnom zemljištu («Službene novine Federacije BiH», broj 71/09 i 102/18) korisniku predmetnog poslovnog kompleksa utvrđene su obaveze u tački 6. dispozitiva ovog Rješenja.

Na osnovu provedenog postupka konstatuje se da je podnosilac zahtjeva, «FAH-KOŽAR» d.o.o. Visoko ispunio minimum uslova za ispuštanje tehnoloških otpadnih voda sa lokaliteta proizvodno poslovnog kompleksa objekata za skladištenje i preradu kože izgrađenog u naselju Seoča, grad Visoko te je riješeno kao u dispozitivu ovog Rješenja.

Podnosilac zahtjeva je uplatio posebne troškove shodno Zaključku ove Agencije broj: UP-1/21-3-40-621-2/24 od 11.02.2025. godine.

Podnosilac zahtjeva je uplatio upravnu taksu u iznosu od 70 KM U skladu sa Zakonom o izmjenama i dopunama zakona o federalnim upravnim taksama i tarifi federalnih upravnih taksi («Službene novine Federacije BiH», broj 06/98, 8/00, 45/10, 43/13 i 98/17).

Uputa o pravnom lijeku:

Protiv ovog Rješenja može se uložiti žalba Federalnom ministarstvu poljoprivrede, vodoprivrede i šumarstva u roku od petnaest dana od dana prijema Rješenja.

Žalba se predaje ovom organu neposredno ili preporučeno poštom. Žalba se taksira sa 15 KM administrativne takse prema tarifnom broju 3. Tarife federalnih administrativnih taksi.

Obrađivač akta:

Nermina Hodžić, dipl.inž.građ.

Po ovlaštenju
Rukovodilac sektora za izdavanje vodnih akata



Nihad Pezo
Nihad Pezo, dipl.inž.građ.

Dostaviti:

- «FAH-KOŽAR» d.o.o. Visoko
Seoča bb, 71300 Visoko
- ⊖ AVP, ISV – Vodna knjiga
- Sektor 50,
- Sektor 40, arhiva
- oglasna ploča – AVP Sava